



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5698-4/20
Datum: 25-01-2021 godine

Na osnovu člana 69. stav (3) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa prijedlogom Službe za javne nabavke, zajedničke poslove i informatiku od 06.01.2021.godine, u postupku javne nabavke zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19, za **LOT 3 – nabavka beskontaktnih toplomjera**, putem otvorenog postupka, Općinski načelnik d o n o s i:

ODLUKU
o otkazivanju postupka javne nabavke

I

Otkazuje se postupak javne nabavke zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19, za **LOT 3 – nabavka beskontaktnih toplomjera**, putem otvorenog postupka, odnosno poništava se Odluka o izboru najpovoljnijeg ponuđača broj: 02-11-5698/20-3 od 30.10.2020.godine.

II

Postupak javne nabavke zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19, za **LOT 3 – nabavka beskontaktnih toplomjera**, otkazuje se u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke. Naime, nakon otvaranja ponuda za predmetnu nabavku, te trajanje žalbenog roka na Odluku o izboru najpovoljnijeg ponuđača, prestala je potreba za nabavkom beskontaktnih toplomjera, koji su bili predviđeni kao podrška Općinskoj izbornoj komisiji tokom izbornog procesa. Na osnovu pismenog prijedloga Službe za javne nabavke, zajedničke poslove i informatiku od 06.01.2021.godine, beskontaktni toplomjeri su obezbijeđeni iz ranije nabavljenih količina predmetne robe za vrijeme trajanja izbornog procesa.

III

U skladu sa članom 70. Stav (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: www.centar.ba, te će se Obavještenje o poništenju javne nabavke objaviti na Portalu javnih nabavki.

IV

Ova Odluka će se dostaviti učesniku u postupku javne nabavke.

O b r a z l o ž e n j e

Postupak javne nabavke zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19, za **LOT 3 – nabavka beskontaktnih toplomjera**, pokrenut je Posebnom odlukom o pokretanju broj: 02-11-5698/20-3 od 06.10.2020.godine. Procijenjena vrijednost javne nabavke bez PDV-a za LOT 3 - Nabavka beskontaktnih toplomjera je 5.700,00 KM.

Nabavka je pokrenuta putem otvorenog postupka, sa utvrđenim kriterijem „ekonomski najpovoljnija ponuda“ 1. Cijena 70% i 2. Rok isporuke 30%.

Obavještenje o nabavci broj: 848-1-1-195-3-154/20, objavljeno je na Portalu javnih nabavki dana 06.10.2020.godine, a postupak je podijeljen na lotove.

Nakon izvršenog izbora najpovoljnijeg ponuđača, donesena je Odluka o izboru najpovoljnijeg ponuđača „R & S“ d.o.o. Sarajevo broj: 02-11-5698/20-3 od 30.10.2020.godine. Na Odluku o izboru najpovoljnijeg ponuđača izjavljena je žalba jednog od ponuđača u postupku. U skladu sa izjavljenom žalbom, donijeta je Odluka o obustavi postupka do momenta rješavanja žalbe. Ugovorni organ je na prijedlog Komisije za nabavku roba, vršenje usluga i izvođenje radova II, dostavio Uredu za razmatranje žalbi BiH Filijala/Podružnica Mostar izjašnjenje na žalbu kao neosnovanu u cijelosti sa kompletnom dokumentacijom. Dana 04.01.2021.godine, Ugovornom organu dostavljeno je Rješenje Ureda za razmatranje žalbi BiH, Filijala/Podružnica Mostar o odbijanju žalbe kao neosnovan. Svim učesnicima u postupku je dostavljeno navedeno rješenje. Služba za javne nabavke, zajedničke poslove i informatiku je dostavila prijedlog da se navedeni postupak za LOT 3 otkáže iz razloga što je prestala potreba za nabavkom beskontaktnih toplomjera, čija je nabavka bila predviđena kao podrška radu Općinske izborne komisije u procesu izbora koji su održani dana 15.11.2020.godine. Općinski načelnik je prihvatio prijedlog Službe za javne nabavke, zajedničke poslove i informatiku, te se postupak predmetne nabavke za LOT 3 otkazuje u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ, na osnovu dokazivih razloga otkazuje predmetnu nabavku, jer se novonastala situacija nije mogla predvidjeti u vrijeme pokretanje postupka ove javne nabavke.

Kako su kumulativno ispunjeni uslovi za otkazivanje postupka predmetne javne nabavke, postupak se otkazuje, te će učesnik u postupku javne nabavke biće obaviješteni o istom.

Iz navedenih razloga, primjenom člana 69. stav (3) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Dostaviti:

1. Ponuđaču „R & S“ d.o.o. Sarajevo
Ul. Igmanska bb 71 320 Vogošća,
2. Svim ponuđačima u postupku javne nabavke,
3. Službi za javne nabavke, zajedničke poslove
i informatiku,
4. Arhivi.